

- Hir geiht 'e hen, dor geiht 'e hen."  
 „Jh, dat 's doch nich so swer,“ seggt Swenn,  
 35 dei gor tau girn of wedden mügg.  
 „Dei olle Schapskopp! Na, mi dücht,  
 de Sat, dei is doch gor tau licht.“  
 „Je,“ seggt de ein, „dat is doch so'n Geschicht!  
 Sei dörrwen nich upstahn, nicks anners reden,  
 40 sei möten ümmertau den Vers herbeden.“  
 „Jck dauh't, un ick gewinn,“ seggt Swenn.  
 „Hir geiht 'e hen, dor geiht 'e hen.  
 Hir, föfsteihn Daler sett ick hen!“ —  
 De beiden Kirks, dei kregen  
 45 nu ehren Büdel 'rut un set'ten föfsteihn gegen,  
 un vör de Kloek set't sick oll Swenn:  
 „Hir geiht 'e hen, dor geiht 'e hen.“  
 „Abjüs, Herr Swenn!“ seggt nu de ein  
 un maht sick an de Dalers 'ranner  
 50 un sick dunn fix up sine Bein.  
 „Abjüs, Herr Swenn!“ seggt of de anner.  
 „Sei dörrwen nich upstahn, nicks anners reden,  
 sei möten ümmertau den Vers herbeden,  
 ick wünsch Sei of recht vel Plefir.“  
 55 „Je, dat ick doch en Schapskopp wir  
 un dordörch mine Wedd verlür!  
 Ne, lopt Zi man!“ denkt Bäcker Swenn.  
 „Hir geiht 'e hen, dor geiht 'e hen —  
 um mine Wedd ward mi nich bang'n;  
 60 so licht lat ick mi noch nich fang'n.“ —  
 Sei drömt sick nu all as Gewinner.  
 Dunn kümmt tau em sin Fru herinner,  
 dei ut de Stuw' wat 'ruter halt:  
 „Na, Vader, heiw'n de Kirks betalt?“ —  
 65 „Hir geiht 'e hen, dor geiht 'e hen.“  
 „Wat is 'e los? Wat fehlt di, Mann?  
 Wat red'st du dor? Wat is di denn?  
 Wat kiest du denn de Kloek so an?“ —  
 „Hir geiht 'e hen, dor geiht 'e hen.“ —  
 70 „Mein Gott! Wat fehlt di? Segg doch, Swenn.  
 Du büst doch woll nich dun hüt morg'n?  
 Du büst doch woll verückt nich word'n?“ —